

修訂日期: 2009/04/23 發行日期: 2009/5/9

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 20, No. 1036

原始資料: 蕭鎮國大德提供, 北美某大德提供

## No. 1036 [cf. Nos. 1034, 1035, 901(Fasc. 5)]

### 千轉大明陀羅尼經

西天譯經三藏朝散大夫試鴻臚少卿傳法大師臣施護奉 詔譯

如是我聞。一時世尊在忉利天中波利質多羅樹下。爾時帝釋天主。及與一切天人軍眾。前後圍繞來詣佛所。各各至誠合掌歸依。瞻仰如來次第而住。

爾時帝釋天主前白佛言。世尊我有陀羅尼名千轉大明。是陀羅尼於諸世間。為大饒益。所有一切天龍夜叉餓鬼鳩槃荼等乃至人非人等。聞此陀羅尼者。悉皆降伏於諸眾生。所有一切不饒益事悉皆除殄。惟願世尊大慈大悲許我宣說。佛言天主善哉善哉。如汝所說彼大千轉大明陀羅尼。能於世間作大饒益。汝欲說者當隨汝意。爾時帝釋天主。即說千轉大明陀羅尼曰。

怛儻也(二合)他(引一)曩呬怛寫婆帝(引二)婆誡嚩覩(引三)三野體難野過覩(引四)

一切部多聞此所說。驚怖迷悶狂惑退散。寶賢夜叉主及輪成就等現眾色像。使諸部多諸鬼神等及彼遊方空行起屍瘡病諸惡鬼等。乃至一切行毒根本邪法。惱害眾生不饒益事。悉皆解脫。

阿曩(引)鉢帝(引一)烏播曩(引)鉢帝(引二)盜誡商迦哩(引三)擬哩(二合)恨拏(二合)哩(引)娑嚩(二合引)賀(引四)曩謨(引)沒馱(引)野曩謨(引)達哩摩(二合引)野曩謨(引)僧伽(引)野(五)曩謨(引)阿(引)哩野(二合引)嚩路枳帝(引)濕嚩(二合)囉(引)野(六)[日/月]地(引)薩埵(引)野(七)摩賀(引)薩埵(引)野(八)摩賀(引)迦(引)嚩尼迦(引)野(九)曩謨(引)阿(引)哩野(二合)摩賀(引)薩埵(二合引)摩波囉(二合引)鉢多(二合引)野(十)怛儻也(二合)他(引十一)目訖帝(二合引)尾目訖帝(二合引十二)鼻(引)那儻(引)尾鼻(引)那儻(引十三)儻哩摩(二合)隸(引十四)尾摩隸(引十五)穌目契(引)尾目契(引十六)瞢誡隸(引)穌瞢誡隸(十七)

一切王怖解脫。一切星曜變怪怖解脫。一切自他軍眾鬪戰怖解脫。一切兵仗怖解脫。一切水火漂焚怖解脫。一切惡病苦惱怖解脫。一切毒惡傷害怖解脫。師子怖象怖。熊怖虎怖。一切惡獸等怖。大海漂溺怖深山闐寂怖。乃至諸水灘難怖。如是諸怖悉皆解脫。

曩謨娑(引)訖哩(二合引一)商迦致(引)商迦致(引二)迦嚩(引)致(引)迦嚩致(引)儻曳(引)娑嚩(二合引)賀(引三)

入王宮時見大臣。時行軍中時逢怨對。時見毒蛇毒龍。時遇夜叉毘舍遮羅剎烏鉢娑摩(二合引)囉所魅時。乃至山海險難中時。如是怖畏悉皆解脫。

曩謨(引)怛囉(二合引)赧婆嚩室羅(二合引)野赧(一)呬隸呬隸(二)唧隸唧隸(三)迦(引)播隸(四)摩(引)鄧霓娑嚩(二合引)賀(引五)

又復王法所執或被枷鎖杻械牢固其身。一切枉橫憂苦逼切悉皆解脫。

曩謨(引)多(引)哩(引)多(引)哩(引一)烏哆(引)哩(引二)靚哩(引)娑嚩(二合引)賀(引三)

又復星曜所持。或惡夢變怪致諸病苦夭枉至死。乃至鬪諍論理互相恐逼。如是諸怖悉皆解脫。

曩謨(引)左囉左囉(一)娑囉娑囉(二)尾娑囉尾娑囉(三)沒馱野(二合)沒馱野(二合四)[日/月](引)馱(引)野彌底娑嚩(二合引)賀(五)洛乞叉(二合)洛乞叉(二合)[牟\*含](六)薩哩嚩(二合)薩怛嚩(二合引)喃(引)左娑嚩(二合引)賀(引七)阿(引)哩野(二合)室哩(二合)滿哩馱(二合)覽(八)布瑟致(二合)俱嚩娑嚩(二合引)賀(引)  
摩麼(引)布哩嚩(二合)羅滿哩馱(二合)喃(十)扇(引)底孕(二合)俱囉娑嚩(二合引)賀(引十一)曩謨(引)賀帝(引)儻賀帝(引十二)薩哩嚩(二合)努瑟頓(二合引)鉢囉(二合)底孕(二合)惹儻(十三)謨(引)賀儻謨(引)乞叉(二合)尼娑嚩(二合引)賀(引十四)曩謨(引)迦致(引)儻致迦吒致(引)娑嚩(二合引)賀(引十五)曩謨(引)阿(引)囉尼嚩(引)囉尼(十六)薩哩嚩(二合)儻哩嚩(二合引)囉尼娑嚩(二合引)賀(引十七)

又復一切惡人行不善事。持邪禁呪作諸[示\*厭]禱。當令眾生迷癡狂惑。如是等事悉皆解脫。

嚕嚕計(一)哩嚕計(二)底瑟姪(二合)滿馱夜(引)弭(三)夜嚩譏嚩(二合)切(四)尾夢贊底(五)呬隸唧隸(六)迦(引)播(引)隸(七)迦瑟站(二合引)譏薩哩嚩(二合)哆(八)薩哩嚩(二合)婆曳毘藥(二合)娑嚩(二合引)賀(引九)

世尊我此千轉大明。譬如轉輪聖王。有摩尼寶名曰如意。凡諸所欲自然現前。我此千轉大明亦復如是。若有得者凡諸苦惱悉皆解脫。世尊末世之時眾生薄福。於三寶尊不知歸依。恣身口心常造過惡。是故世間諸惡鬼神伺得其便。隱自形質假託變現。於晝夜中惱害眾生。使諸眾生得種種苦惱。世尊若有眾生。遇斯惡鬼種種惱亂苦惱之時。乃至世間一切不可意時。當於清淨之地取土七把。每一把讀誦此大明加持七遍。和作七丸繫於衣角。當令一切行不饒益惡鬼神等。不敢侵近恐怖退散。當令是人晝夜安隱。一切不祥悉皆殄滅。爾時帝釋天主說此千轉大明陀羅尼已。踊躍歡喜與諸天眾禮佛而退。

## 千轉大明陀羅尼經